

Գաղափարական Հարցեր

Հ.Յ.Դ. ԾՐԱԳՐԻ ՎԵՐԱՄՇԱԿՄԱՆ ՀՐԱՄԱՅԱԿԱՆԻՆ ԴԷՄ-ՅԱՆԴԻՄԱՆ

Ռուբինա Փիրումեան

Դաշնակցության պատմության մեջ անհախընթաց չէ կուսակցության ծրագիրը, նպատակները, կառույցն ու կանոնադրությունը փոփոխելը եւ դրանք ժամանակի իրողության եւ պահանջներին պատշաճեցնելը: Ահա՛, հենց այստեղից էլ Դաշնակցության ուժականությունն ու աշխուժությունը: Այսօր էլ, վերջին տարիների ազգային եւ միջազգային քաղաքական իրադարձությունները թելադրում են մեր կուսակցության՝ մեկ անգամ եւս վերատեսության ենթարկելու իր կառույցն ու ծրագիրը: 25րդ Ընդհ. Ժողովը շեշտում է այդ հարցի անհրաժեշտությունը եւ պարտականություն դնում Բիւրոյի վրայ, երկու տարուայ ընթացքին գումարել այդ հարցի քննության բացառիկ Ընդհանուր Ժողով. իսկ այդ Ընդհանուր Ժողովի լուսազոյն արդիւնքի մասին պիտի մտահոգուի եւ իր ներդրումը բերի ամեն մեկ դաշնակցական: Այս մեկնակետից ելած, ես էլ իմ հերթին, որպէս պարզ շարքային, իմ մտորումներն եմ փորձում արտայայտել մեր Ծրագրի Էութեան հոլովոյթի մասին:

Բոլորս էլ գիտենք, որ Դաշնակցությունը կազմուեց համեստ պահանջներով, ժամանակի պարտադրանքի տակ, բայց ոչ երազային, այլ իրագործելի նպատակներով: Առաջին Ծրագիրը մշակուեց 1892ին. իսկ մինչ այդ Դաշնակցությունը ասպարէզ էր իջել իր «մանիֆեստ»ով, որի մէջ հռչակում էր միացումը գաւազան քաղաքական եւ յեղափոխական խմբերի՝ ի խնդիր «Թուրքաց Հայաստանի քաղաքական եւ տնտեսական ազատութեան»:

1892ին արդէն ունենք մեր Ծրագիրը, որ մեր վերջին ծրագրի պէս սկսում է մի նախաբանով (1982ի տարբերակը այս նախաբանը «Ընդհանուր Տեսութիւն» է կոչում): Երկու պարագային էլ սկզբունքները մնացել

են նոյնը՝ պատշաճ ժամանակի հասկացողութեան: Մեր Ծրագրի մէջ, բոլոր պայմաններում էլ, պատմությունը մեկնաբանելու ժամանակի բառամերթով բացատրում է Դաշնակցության ընկալումը մարդու ազատութեան եւ մարդկութեան զարգացման հոլովոյթի՝ ամենանպաստաւոր, ընկերվարական սկզբունքներով, հիմնուած ժողովրդավարական վարչակարգի ստեղծած պայմանների վրայ: Առաջին ծրագրի մէջ ի հարկէ չի նշում «ընկերվարութիւն» բառը, բայց հիմնաւորումը այդ գաղափարաբանութիւնն է:

Առաջին Ծրագիրը իբրեւ նպատակ առաջադրում է «ապստամբութեան միջոցով Տաճկահայաստանում ձեռք բերել քաղաքական, տնտեսական ազատութիւն, դնելով ներկայումս հետեւեալ պահանջները...»: Ըստ այս ձեւակերպումի, ուրեմն, ընդհանուր նպատակը անփոփոխ է մնում. ներկայացած պահանջները կարող են փոխուել ժամանակի թելադրանքների համաձայն: «Ներկայումս» բառի գործածությունը այդ է նշանակում:

Իրականութեան մէջ Դաշնակցության պահանջները են, որոնք Ընդհանուր Ժողովից Ընդհանուր Ժողով փոխում կամ վերահաստատում, կուսակցության աշխարհայեացքի եւ մտայնութեան պատկերացումն են տալիս եւ միեւնոյն ժամանակ ցուցաբերում կուսակցութեան իրատեսութիւնն ու գործնական նպատակաւացութիւնը՝ հիմնուած թէ՛ մարդկային Էութեան, բնաւորութեան, խառնուածքի եւ կարելիութիւնների, եւ թէ՛ ժամանակի քաղաքական իրավիճակի ճշգրիտ գնահատումի եւ Հայկական Հարցի լուծման համար նրա առթած միջոցների վրայ: Այս բոլորը՝ ի հակադրութիւն անիրական վարկածների եւ կամ բացարձակ նիւթապաշտ գաղափարաբանութեան վրայ հիմնուած կուսակցութիւնների, որոնք չկարողացան յաջողել: Օ-

ԴԱՇՆԱԿՑԱԿԱՆ ԲԵՄ

րինակ ձախողեց Խ. Միտրեան մէջ «Բանտորագիւղացիական յեղաշրջում ամբողջ աշխարհում եւ նոր համակարգ՝ առանց ազգութիւնների բնորոշման, պրոլետարիատի ուժի վրայ հիմնուած» բնաբանով գործող կուսակցութիւնը: Օրինակ չյաջողեց հնչակեանների առաջադրանքը. ձգտում՝ ստեղծելու մի համընդհանուր սոցիալիստական մեծ հայրենիք, որի մէջ Հայաստանը մէկ մասնիկն էր լինելու:

1907ին, Հ.Յ.Դ. 4րդ Ընդհ. Ժողովին կատարուեց Ծրագրի առաջին մեծ վերամշակումը: «Ընդհանուր Տեսութեան» մէջ աւելի յստակացաւ կուսակցութեան հասկացութիւնը ազգային հարցի, ժողովրդավարական սկզբունքների եւ ընկերվար տեսլականի: Փոփոխութեան ենթարկուեց Դաշնակցութեան նպատակը՝ ընդգրկելով նաեւ Ռուսահայաստանի դատի հետապնդումը: Պատճառը՝ ցարական հակահայ քաղաքականութեան շեշտաւորումը եւ ծաւալումը հալածանքները հայ ժողովրդի եւ Դաշնակցութեան դէմ: Այս փոփոխութիւնները ուրեմն արդիւնք էին 1903ից ի վեր խըմորում մի մթնոլորտի: Բացի այդ՝ Դաշնակցութեան մէջ սկսել էր ձախ շարժումը Ռուսաստանի Սոցիալ-դեմոկրատ եւ Սոցիալ-յեղափոխական շարժումների ազդեցութեան տակ: Մի շարք դաշնակցականներ, մանաւանդ Կովկասում, յարել էին այս շարժումներին եւ պահանջում էին կուսակցութիւնից համագործակցել դրանց հետ. իսկ 1903ի Հ.Յ.Դ. Ռայոնական Ժողովը յայտարարում էր, որ Դաշնակցութիւնը համակրելով հանդերձ այս շարժումներին, չի մասնակցում դրանց, քանի որ կայ հայոց ազգային դատը (Թրքահայաստանի ազատագրումը), որ աւելի կարեւոր է:

1903-1907 տեղի ունեցան մի շարք՝ ներքին խլրտումներ եւ հրաժարականներ: Այս ձախ շարժումի դէմ կազմակերպուեց ծայրայեղ աջերի շարժումը՝ խմբապետ Միհրանի գլխաւորութեամբ: Սրանց կարծիքով ընկերվար հովերով տարուելը պարզապէս դաւանանքութիւն էր ազգային դատին:

1907ի Ընդհ. Ժողովը նպատակադրում էր իրականացնել՝ Ռուսահայաստանի ինքնավարութիւն՝ կովկասեան հանրապետութեան մէջ, որը իր հերթին դաշնակցային կապով կապուած պիտի լինէր Ռուսաստանին, իսկ Օսմանեան կայսրութեան մէջ դարձեալ ինքնավար Թրքահայաստան՝ դաշնակցային կապով կապուած Օսմանեան կառավարութեան: Պիտի լինէր ուրեմն երկու Հայաստան եւ այդուհետ «Հայաստան» ըմբռնումը միայն Թրքահայաստանին չէր յղուի, ինչպէս եղել էր տասնամեակներ շարունակ: 1907ի այս որոշումը թէ՛ նպաստաւոր եւ թէ՛ բացասական իր ազդեցութիւնը ունեցաւ: Նախ՝ ընկերվար սկզբունքների բացայայտ որդեգրումով, Դաշնակցութիւնը առիթ ունեցաւ կապակցուելու ընկերվար 2րդ միջազգայնականի հետ եւ օգտուելու այդ կազմակերպութեան անդամ կուսակցութիւնների ազդեցութիւններից իրենց պետութիւնների վրայ. յետոյ՝ կովկասահայութեան դատի եւս

ընդգրկումով, մեծ թոով ոռւսացած կովկասահայեր, մտաւորականներ կամ զանազան այլ տարրեր, յետ գրաւուեցին հայութեան իրականութեան մէջ: Բացասական կողմը թրքահայ մի մեծ զանգուածի դիրքն էր նախ հէնց ընկերվար պիտակի դէմ եւ երկրորդն էլ այն մտահոգութիւնից ելած, որ կովկասեան քաղաքականութեան մէջ կլանուելով՝ Դաշնակցութիւնը պիտի մոռանայ Արեւմտահայաստանը:

Այս իրավիճակի զուգահեռն ենք տեսնում այսօր, դարձեալ Ծրագրի վերամշակման պահանջի առջեւ կանգնած: Դաշնակցութեան Հայաստան վերադարձով մէկ անգամ եւս յարուցում է նրա ընկերվար գաղափարաբանութեան հարցը: Հայաստանի հայը, 70 տարիների ընթացքին սոցիալիզմի անունով ցաւ ու անարդարութիւն կրած, չի ուզում լսել անգամ սոցիալիզմ բառը: Նոյն մտայնութիւնը կայ նաեւ Սփիւռքի որոշ տարրերի մէջ, որոնք կա՛մ դրամատիքական կարգերը համարում են Հայաստանի համար օգտակար, կա՛մ իրենց կեանքն ու ապրելակերպը արդէն իսկ կաղապարում է դրամատիքական աշխարհայեացքով. եւ այդ տարրերի համար այդ տեսակ մտայնութիւնը բոլորովին խոտոր էլ չի դաշնակցականի իրենց հաւատամքի հետ, որի մէջ տեսնում են զուտ ազգայնականը:

Ինչ վերաբերում է Թրքահայաստան-Ռուսահայաստան երկուութեան, դարձեալ զուգահեռ իրավիճակ կայ այսօր: Որոշ դաշնակցականներ, պարզ շարքային կամ դեկավար, այն մտավախութիւնն են ապրում, որ կուսակցութիւնը իր ուժը, ճիգն ու ուշադրութիւնը ներկայ Հայաստանի վրայ կենտրոնացնելով՝ պիտի մոռանայ Սփիւռքը եւ նրա իրայայտուկ դատը: Այս մըտահոգութիւնը երբեմն ծայրայեղութեան է տանում, կուսակցութեան մէջ երկնիդում առաջացնելով՝ ունեւնալու Սփիւռքի Դաշնակցութիւն եւ Հայաստանի Դաշնակցութիւն: Նոյն մտածելակերպի աւելի մեղմ դրսեւորումն է երկու Բիւրօ ունեւնալու հարցապնդումը: Այսօր կայ նաեւ մի ուրիշ ջլատիչ ազդակ, եւ դա հակադաշնակցական պայքարն է եւ տարբեր խոստումներով Դաշնակցութեան շարքերից համախոհ որսալը, որ կատարում է յետին հաշիւներով: Մեր դէմ չպրտուած քննադատութիւնները երբեմն յաջողում են թուլացնել մեր կոտ հաւատքը եւ մղում մեզ համակերպումների (compromise) երթալ, այսինքն՝ անգիտակցաբար ծառայել մեր հակառակորդների նպատակներին:

Այն օրերին, 1907ի Ընդհ. Ժողովին եւ դրանից յետոյ էլ, դաշնակցական բարձր դեկավարութիւնը, իր հեղինակութեամբ եւ շրջահայեացութեամբ, կարողացաւ ստեղծում քառսից մէկ կուսակցութիւն, միաւոր եւ միական կուսակցութիւն ստեղծել: Մեծ յոյս ունեւ, որ այսօր էլ պիտի յաջողուի նոյնը անել:

Դաշնակցութեան յեղափոխական գործունէութիւնը ընդհատուեց Թուրքիոյ սահմանադրութեան հռչակումով. արդ՝ Դաշնակցութիւնը լեզալացաւ եւ իր պայքաւ

րը սկսեց տանել խորհրդարանային համակարգի մեջ՝ սահմանադրության ընձեռած պայմաններում. Դաշնակցության պահանջները Թրքահայաստանում մաս էին կազմում այլևս կուսակցության platformին, որով աշխատում էր նա՝ իր համագործակցող կամ ընդդիմադիր դիրքերից: Եւ երեւի արդէն կ'իրականանար Դաշնակցության նպատակադրած ինքնավարութիւնը Թրքահայաստանում, եթէ չպայթէր Ա. Համաշխարհային Պատերազմը:

Դաշնակցութիւնը իր պայքարը Կովկասում տարաւ նախ հակացար շարժման հետ համագործակցելով, ապա 1917ի յեղափոխութիւնից յետոյ Պետերբուրգի ժամանակաւոր կառավարութեան հետ համագործակցաբար, մինչեւ որ իրականութիւն դարձաւ Կովկասեան Ֆեդերաթիւ Հանրապետութիւնը: Այսպիսի պայմաններում կարիք կա՞ր արդեօք պահելու «յեղափոխական» պիտակը: Այս նոր իրավիճակի լոյսի տակ, ուրեմն, 1907ից յետոյ անկիւնադարձային նշանակութիւն ունեցաւ 1919ի 9րդ Ընդհ. Ժողովը, մանաւանդ որ մէկ կողմից Թրքահայաստանի հայաթափումը եւ միւս կողմից Կովկասեան իրավիճակի իրայատուկ զարգացումը եւ անկախ Հայաստանի ծնունդը նոր կացութեան առջեւ էին դրել Դաշնակցութեան՝ ծրագրային հարցերի (նպատակ եւ պահանջներ) արմատական փոփոխութիւն պարտադրելով:

1919ի Սեպտեմբերին Երեւանում գումարում Ընդհանուր Ժողովին որոշուեց չեղեալ համարել Ռուսահայաստանի եւ Թրքահայաստանի վերաբերեալ քաղաքական նուազագոյն պահանջները եւ «նուիրագործել Անկախ եւ Միացեալ Հայաստանի յայտարարութիւնը եւ նրա ամբողջացման եւ զարգացման ձգտել ամբողջ գոյութեամբ, ժողովրդավար հանրապետութեան հիման վրայ»։ Ի հարկէ յաջորդ ժողովին թողնելով Ծրագրի վերամշակման եւ նոր նպատակների բնութագրման գործը: Հայկական Եղեւնը ապրած, եւ հիմա Կովկասում համախմբում եւ 1919ի Ընդհ. Ժողովին հասած դաշնակցական ղեկավարութեան համար բիրեղացած էր մէկ հարց եւ դա ազգային հարցի ընկալումն էր, ոչ թէ իբրեւ ձգտում ինքնավարութեան՝ դաշնակցային պետութիւնների սկզբունքով հիմնուած կառոյցի մէջ, այլ իբրեւ արդէն իսկ արմատացած գաղափար հայ ազգի ազատութեան եւ անկախութեան: Եւ գաղափարը բնորոշուեց իբրեւ «մեր բնական վայրերի իրական եւ հասունացած պետք»:

Բացի այս ըմբռնումների կրած փոփոխութիւններից, Դաշնակցութիւնը 9րդ Ընդհ. Ժողովին ներկայանում էր իբրեւ պետական կուսակցութիւն: Եւ այս դրոյթը եկել էր աստիճանաբար՝ յեղափոխական ընդդիմութիւնից մինչեւ խորհրդարանական կամ ֆեդերաթիւ կառոյցի մէջ պայքար եւ մինչեւ անկախ հանրապետութեան ամէնաուժեղ եւ ազդեցիկ կուսակցութիւն՝ պետական կուսակցութիւն: 1919ի Ընդհանուր Ժողովը մի քառս էր ներկայացնում: Բախում զանազան մտայ-

նութիւնների եւ հատուածների: Մթնոլորտը լեցուն էր դժգոհութիւններով, անհամաձայնութիւններով, քննադատութիւններով, որոնք առաջ էին եկել Արեւմտահայաստանի պարպումից, գաղթականների սուկայի իրավիճակից, նախկին ֆիդայիների աննախանձելի դրութիւնից եւ նրանց երբեմն թոյլ տուած անկարգութիւններից: Դժգոհութիւն կար նաեւ Դաշնակցութիւն-կառավարութիւն յարաբերութիւններից եւ կուսակցութեան այդ մարգում կատարած ուղղակի միջամտութիւններից:

Փաստօրէն գոյութիւն ուներ Երեւանի նահանգը իր պետական եւ կուսակցական կառոյցով (արեւելահայ թէ՛ մտայնութեամբ ու աշխարհայեացքով եւ թէ՛ կառոյցով): Այդտեղ եկել էին տեղաւորուելու ոչ միայն Բագուի ու Թիֆլիսի հայերը, այլեւ մի մեծ զանգուած արեւմտահայութիւն: Բագուի եւ Թիֆլիսի կուսակցական ղեկավարութիւնը՝ թրծուած ռուսական վարչամեքենայի ղեկավար դիրքերում եւ ռուսական ընկերվար գաղափարաբանութեամբ տարուած, իսկ արեւմտահայութիւնը՝ պատերազմի կրակներից դուրս եկած, իր հայրենիքի դառը ճակատագիրը ապրած: Եւ այստեղ, Ռուսահայաստանում, արեւմտահայութիւնը ինքն իրեն հարազատ չէր զգում եւ մեծ մասամբ էլ բռնում էր կուսակցութեան աջ թելը՝ զուտ ազգայնական գաղափարախօսութեամբ: Բացի այդ, արեւմտահայութիւնը, կոռւած լինելով Հայաստանի անկախութեան համար, գիտէր նրա արժէքը եւ ընդվզում էր ռուսահայերի անտարբերութեամբ կամ նրանց կոյր ռուսասիրութեամբ: Միւս կողմից Կովկասի մէջ ստեղծուած Հայաստանը խոտոր էր արեւմտահայութեան համար, որը մերժում էր աշխատել այդ «Արարատեան Հանրապետութիւն» կոչուած փոքր ու խեղճ հողամասի բարօրութեան համար: Ի հարկէ արեւմտահայութեան կղզիացումը դարմանելու համար ձեռք էին առնուել միջոցներ՝ նրանց մասնակից դարձնելու երկրի կառուցման եւ պաշտպանութեան գործին: Բայց արեւելահայ-արեւմտահայ ճեղքուածութիւնը շեշտուած էր եւ իր արտացոլքը գտաւ 9րդ Ընդհ. Ժողովին:

Որոշ չափով հնարաւոր դարձաւ այդ երկուութիւնը վերացնել: Ազատ, Անկախ եւ Միացեալ Հայաստանի գաղափարը եւ դէպի Արեւմտահայ հողերը ընդլայնելը բաւական մեղմացրեց այդ ճեղքուածութիւնը: Ժողովի մթնոլորտում կար նաեւ մի այլ անհամաձայնութիւն՝ երկրի մէջ բարեփոխումներ առաջացնելու հարցով: Պահպանողական թելը, մեծ մասամբ արեւմտահայեր, կողմնակից էին ընկերային հարցերի, բարեկրօգումների աստիճանական գործընթացին. մինչդեռ միջազգայնականներն ու ծայրայեղ ընկերվարականները պնդում էին արմատական եւ յեղափոխական փոփոխութիւնների վրայ: Միջին ճամբայ էին բռնում ընկերային փոփոխութիւնների արագ, բայց ոչ-յեղափոխական գործընթացի կողմնակիցները, զիջելով որոշ ժամանակի համար խիստ ընկերվարական առա-

ԴՍԵՆԱԿՑԱԿԱՆ ԲԵՍ

չադրանքները թե՛ ընկերային եւ թե՛ տնտեսական կառույցի տեսակետից: Այս իրավիճակի զուգահեռն ենք տեսնում նաեւ այսօր: Հայաստանի այսօրուայ իրավիճակը պահանջում է խիստ միջոցառումներ ընկերային եւ տնտեսական հսկայ փոփոխությունների. արդեօ՞ք պիտի ընթանալ մեղմ եւ հանգրուանային քաղաքականությամբ. թե՞ արմատական-արնագ:

Հ.Յ.Դ. 9րդ Ընդհ. Ժողովում, չնայած չկատարուեցին որոշ կարեւոր հարցերի յստակացում, բայց պարզ էր որ Դաշնակցությունը իր Ծրագիրը աղբիւր էր ծառայեցնում երկրի կառավարման քաղաքականության: Առաջադրում էր «պետական ներքին քաղաքականության հիմք ընդունել կուսակցության Ծրագիրը եւ իրականացնել այն հետեւողական եւ արագ կերպով...»: Տնտեսական գետնի վրայ, Դաշնակցությունը «ամհրաժեշտ նախապայման» էր համարում «դրամագլուխի ազատ մուտքը», իսկ «աշխատանքի եւ դրամագլուխի» յարաբերության մէջ բանաձեւում էր՝ «Աշխատանքի եւ դրամագլուխի անխուսափելի պայքարի մէջ մեր կառավարությունը պետք է կատարելապէս ռաւկավար օրենսդրությամբ զօրավիզ լինի աշխատանքին ու աշխատատեղին»: 9րդ Ընդհ. Ժողովում պետական մի կուսակցության համար արդէն չի մնում յեղափոխական գործելակերպի կարելիությունը. բնական պայմանների մէջ Դաշնակցությունն էլ պիտի թողնէր իր յեղափոխական էությունը: Իսկ այսօր՝ «Յեղափոխական» որակումի առընչությամբ այսօր էլ կայ վերապահություն. ինչո՞ւ կրել յեղափոխություն անուանումը եւ աւելորդ կասկածանքներ հրաւիրել, մտածում են ոմանք, երբ Սփիւռքում Դաշնակցությունը տանում է հայապահպանման եւ խաղաղ միջոցներով Հայ Դատի հետապնդման աշխատանքներ, իսկ Հայաստանում Դաշնակցությունը փորձում է խորհրդարանային սիստեմի մէջ իր նպատակները իրագործել, ուրեմն աւելորդ է յեղափոխական պիտակը կրել: 1919ին մեր ղեկավարությունը իրատեսությամբ ունեցաւ նախատեսելու «հարկը պահանջած ժամանակ դիմել յեղափոխական միջոցների»: Գուցէ պիտի նոյն հետաւորությունն ունենալ նաեւ այսօր: Մանաւանդ, որ հայ ժողովրդի շահերի համար պայքարող մի կուսակցության գործելակերպը սահմանափակում չպիտի ճանաչի: 9րդ Ընդհ. Ժողովում յստակ էր արդէն Ծրագրի ընդլայնումի փորձերը, որոնցից պիտի բխէր նաեւ լայնածաւալ քաղաքական, տնտեսական, ընկերային համակարգեր առաջադրող մի platform, եթէ Հայաստանի անկախությունը գոյատևէր:

9րդ Ընդհ. Ժողովից բխած Բիւրոն, որքան որ կենտրոնացաւ Հայաստանում եւ իր աշխատանքի ու ճիգերի թիրախ դարձրեց Հայաստանը, այնքան աւելի քիչ գործօն ուժ դարձաւ արտասահմանում: Եթէ արտասահմանը գոյատևէր ու չպառակտուէր, պատճառը այն խանդավառությունն էր, որ ստեղծուել էր նորանկախ Հայաստանի շուրջ: Բիւրոյի այս գործելակերպը, իսկ մանաւանդ նրա կառավարության ղեկն

առնելու եւ ամբողջովին պետական գործերի մէջ մըխըրճուելու իրողությունը ի հարկէ խիստ քննադատուեց թե՛ Պուքրէշի եւ Վիեննայի խորհրդածողովներում եւ թե՛ Փարիզի 1924ի 10րդ Ընդհ. Ժողովում:

*
* *

Այսօր պատմությունը մեզ ընձեռել է մի նոր առիթ մեր հայրենիքում գործելու, խորհրդարանային սահմանադրական համակարգի մէջ մեր դերն ու դիրքը ըստանձնելու: Եւ մեր Ծրագիրը աւելի քան երբեք կարիք ունի պատշաճեցման եւ յստակացման:

2եմ հաւատում, որ հարցը կայանում է հիմնական փոփոխությունների ենթարկելու մեր Ծրագիրը, որի մէջ տեղ են գտել սկզբունքներ, որոնք դեռեւս ամենալաւ գրաւականներն են մեր ժողովրդի գերագույն շահերի: Պատշաճեցումը պիտի կատարուի, իմ կարծիքով, նախ «Ընդհանուր Տեսութեան» մէջ, ձերբազատելու այդ երկար հատուածը պատմական իրողությունների հաստատումներից կամ զանազան գաղափարաբանությունների ու վարչակարգերի (դրամատիրական կայսերապաշտական, ամբողջատիրական) քննական վերլուծումներից, որպէսզի պարզ ու յստակ կերպով մեր Ծրագրի առաջին այս հատուածը խօսի մեր կուսակցության հասկացության մասին ազգութեան, ժողովրդավարութեան, ընկերավարութեան եւ տնտեսական արդար համակարգի մասին:

Փոփոխութեան պիտի ենթարկուեն մեր պահանջները: Նախ՝ այդ բաժնի ներածականը, որ դարձեալ հայ ժողովրդի իրավիճակի պատմական հոլովոյթն պատկերում: Ներկայ իրավիճակը բնութագրող բաժնը պիտի պատշաճեցուի տիրող իրականութեան: Հայ Դատի քաղաքական, իրաւական հիմնադրումները դարձեալ ներկայ իրավիճակի հետ պատշաճեցուել կարիքն ունեն: Ի գործ ու սակայն մեր նպատակը, որոշ գործնական ուղղությունների յաւելումով պիտի դառնայ այժմէական:

Յստակացումի եւ ընդլայնումի կարիք ունի մի տնտեսական պահանջների հատուածը: Եւ այդ պիտի հիմք ունենայ առաջին հերթին մեր Ծրագրում իրական եւ ժողովրդավարական, եւ յետոյ Հայաստանի կենդանի օրինակը: Ծրագիրը պիտի ընդգրկի այնպիսի ընդհանրացումներ, որոնցից կարելի լինի բխեցնել արդար տնտեսական համակարգի առաջադրանքները մի մանրամասն platform: Իսկ այս բոլորի մէջ դեր կ'ունենայ, անշուշտ, թե՛ Դաշնակցության 102 տարիների փորձառությունը եւ թե՛ ախարհի զանազան երկրներում գործադրուած ընկերավարական հասարակարգերի տնտեսական կառուցների ըստ ամենայնի ուսումնասիրությունը: